

حسین آغانک خانه سندن از قضا ظهور آیدن آتش اتصانه سرایتله التي باب
خانه واشوشهر ربيع الاولک يدنجی بازار ايرتسی کيجه سي ساعت التي بچق
قرارنده ايوانسرايد ه خواجه هلی محله سنده غرايه جي فندق نام قبطينک
خانه سندن كذلك آتش ظهور ايدوب واطرافنه بالسرايه يکرمی باب خانه
وينه شهر مر قومک طقوزنجی چهارشنبه کيجه سي ساعت اوچده بشکطاشده
تارلا باشنده احتساب باش کاتي سابق اجد بکک قوناغی درون سندن آتش
ظهور يله اخر محله نجاوز ايتکسز بن انجق مذکور قوناغ محترق اولوب
مأمورين غيرت واقدا ملريله بالعون الازلی منطقی اولمشدر جناب کافی المهمات
قریبا اصحاب منازلی قرین مکافات ايليه

اسعاد

سنه سابقه مبارکه ذی الحجه الشریفه سی غره سندن اشوشه فائضة البرکه
صفر الحیري غایتنه دکن از میر وایتوز واورقان وبارطین وباندرمه ویاچق
وتکفور طغانی وسلوری وسلا نیک وغلوس ووقوش اطه سی وقره یفا
وقیس وبارطین ووارنه اسکله لرندن یوزیدی قطعه سفینه ايله کرک
مبايعات میریه وکرک سعیر ايجيله اشتر اولمقده اولان ذخائر دن انبار عامره یه
ایکی یوک طقسان ایکی بیک بشیوز سکسان طقوز بچق کیل حنطه ايله
یدی بیک سکزیوز الی بچق کیل شعیر کیش و ذکر اولمان حنطه نک اوچیک
بشیوز اوتوزدرت کیلی دو پر یجه دن ورود ایتمشدر

ذکر اولمان مدته انبار عامره موجودندن سلطان یایزید ولی حضرتلرینک
عمار تری و اوقاف همایون شاهانه عماراتی وسرای همایونده خاص وخرجی
فرناری ايله سواری عسا کر خاصه شاهانه ومنصوره مجدییه و پیاده عسا کر خاصه
وعسا کر منصوره وطوپخانه عامره وخبره خانه معموره ومهمات حربیه
وخيامیه جاننده اولان و باب عالی قراولرینه مأمور عسا کر منصوره وعسا کر
منتظمة بچیه و باب حضرت سرعسکریده مستخدم سکبانان تعینا تریینه
وفرانجه جی فرنارینه وخبازان اصنافنه واونجی طاقه سنه اوچیک طقسان
طقوز بیک برکیلی حنطه ايله بریوک یکرمی ذرت بیک سکزیوز اون اوچ کیل شعیر
صرف اولمشدر

مدت مذکوره ده برغوس وتکفور طغانی ووارنه اسکله لرندن تجار وریش مالی
اولق اوزره قبان دقیقه الی یدی بیک یدیوز الشمس یدی کیل دقیق ايله
یدی بیک یدیوز اوتوز ایکی کیل شعیر کلشدر